

Guangjisi Minzcu Bau

ganhhau: CN45-0036 B.2016 Nd.6 Ng.15 liggaeuq bingjsaen nienz ndwenngux cib'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3228期

Majsanh Yen Lijdangh Yauzcuz Yangh Banh Laebbaenz 20 Hopbi Yanghging Hozdung

马山县里当瑶族乡举办成立 20 周年乡庆活动

6 nyied 10 hauh, Majsanh Yen Lijdangh Yauzcuz Yangh banh laebbaenz 20 hopbi angqhoh hozdung, yanghging hozdung aeu “langhbaiej gij cingzcik Yauzyangh hwnghat, hwnjguh Lijdangh gyaundeiz huzndei” guh cawjdaez, gaengawq gij yenzcwz “hoenghhwd、nauhyied、mbaetyungh、saedguh”, haiguh laebbaenz 20 hopbi soengqlaex gunghcwngz hanghmoeg haihong sathong yizsi、angqhoh daihhoih、Yauzcuz minzsuz vwnzyi comzyienj、langhbaiej gij cingzcik laeb yangh 20 hopbi hwnghat daengj hozdung lai cungj lai yiengh, cungfaen langhbaiej youq gij minzcuz cwngecwz

dangj ronghlwenq lajde, gij cingzcik Yauzcuz Yangh ginghci ndawbiengz hwnghat aeundaiej haenx, doed ok le minzcuz vwnzva caeuq daegsaek dangdieg minzcuz lai cungj lai yiengh, yienh'ok Yauzcuz Yangh gak minzcuz ndawbiengz vanzging huzndei doxgiet caeuq gij cingsaenz yienghsienq gaenxmaenx doxhwnj.

Namzningz Siveij、Si Cwnghfuj nem Swcigih mizgven bouhmonz gig yawjnaek hwnjguh Gujcai Yauzcuz Yangh, siveij、si cwnghfuj bued roengz ngaenzcienz cienhangh 1000 fanh maenz, Swcigih Minzveij anbaiz 90 fanh maenz haeujoengh Yauzyangh

hanghmoeg hwnjguh. Ngoenzhaenx angqhoh daihhoih, Swcigih Minzveij Cukhohdonz donzcangj Veiz Siucingh caeuq Namzningz Si Daiqbiujdonz donzcangj Yungz Ganghse cukhoh Yauzcuz Yangh laebbaenz 20 hopbi, haengdingh le 20 bi doxdaeuj, Lijdangh Yauzcuz Yangh gak cuz ganbu vunzlai nyinhcaen gvancez losiz minzcuz cwngecwz dangj, ciengjgaem seizndei, gajndeiz swngheanj saedceij diuzgienh, daezsang saedceij suiyingz, roengzrengz hwnjguh aen Yauzyangh moq ginghci hwnghat、ndawbiengz onjdingh、minzcuz doxgiet he.

(Liu Seibingz/刘雪萍)



Lungzswng: Ndawhag Swnjcienz Minzcuz Vwnzva

龙胜：民族文化校园里传承

Gaenh geij bi neix daeuj, Lungzswng Gak Cuz Swciyen haenqrengz doicaenh “minzcuz vwnzva haeuj ndawhag” gunghcwngz, gak aen hagdangz ciuq dieg bae guh, dajcaux “it hagdangz it daegsaek” ndawhag binjbaiz hozdung, doenggwag seiz roengzdangz、sedonz mbouj aeu cienj daengj hozdung, aeu fouxsaux、golaux Dungcu、foux lungzfiengz saeciifiengz daengj conzdungj minzcuz diujuz yindung caeuq feihvuzciz vwnzva yizcanj hanghmoeg yinxhaeuj ndawhag、yungzhaeuj gyang dangzgoq, youq fungfouq ndawhag vwnzva neihanz doengzseiz, demgiengz hagseng swnjcienz minzcuz vwnzva simgagsaenq caeuq swahauzanj. Ndaw doz dwg hagseng biujyienj diuq fouxsaux.

(Banh Cisiengz/潘志祥 Yangz Cunghcungh/阳春忠)

Bi 2016 Daengx Gih Sawcuengh Fanhoiz Cogaep Beizyinbanh Gietnieb

2016 年全区壮语文翻译初级培训班圆满结业

6 nyied 7 hauh, bi 2016 daengx gih Sawcuengh fanhoiz cogaep beizyinbanh youz Swcigih Minzyijveij banh haenx gietnieb.

Youq 18 ngoenz beizyin seizgan, iucingj Cunghgoz Minzcuz Yijvwnz Fanhyizgiz guekgya ngeih gaep hoizsaemj Gvanh Swingh、Gvangjsih Sam Nyied Sam Cazcise cungjbiens Cinz

Siengzcouh、hoizsaemj Vuz Yifu, faenbied vih yozyenz hwnjdangz 《Gij Fanhoiz Gigiuj Caeuq Sijfap Yenzcwz Mingzcwngh Danhvei、Byauhyij》《Youq Hingzseiq Moq Lajde Swnjcienz Caeuq Hwnghat Fwen Guengjsae》《Vahyaem Sawcuengh》《Sawloih Sawcuengh》daengi.

Yozyenz cungj naeuz, camgya

baez hagsib neix, caezgya mboujdanh hag rox giekdaj cihsiz Sawcuengh, rox dingq gangj doeg sij Sawcuengh, lij hag ndaej fuengfap fanhoiz mingzcwngh gihgvanh danhvei, doiq baenaj guhhong fanhoiz miz bangcoh gig lai.

(Ouh Caijfangh)

SIUSIK DINJ

简讯

● 6 nyied 8 hauh, Ginhsiu Yauzcuz Swciyen Minzcuz Siujyoz haiguh gai doxgaiq bangcoh vunz hozdung. Hozdung seiz, hagseng caenfwnz guh gaudiemj、faengx daengj gak cungj doxgaiqgwn, yienhciegz gai, gai ndaej cienj cienzbouh gien hawj lwgnyez louz mbanj aen hagdangz neix.

(Vangz Siufung)

● 6 nyied 9 hauh dwg ciet ngx nyied co'ngx gyajgeiz ngoenz daih'it, Sanhgyangh Dungcu Swciyen Danhcouh Cin Banjbi Cunh ndaw suen vagwsangh va hai hoenghvuengh, yinx ndaej baenz cien boux hekyouz daeuj yawjngonz. 2016 nienz 1 daengz 5 nyied, daengx yienh ciepdaih hekyouz daengz 340 fanh vunzbaez, mizyauq doicaenh lajmbanj lijyouz youhhenz canjnieb hwnghat, coicaenh dangdieg vunzlai demsou vut gungz.

(Vuz Lenyinh)

● Gaenh geij bi neix daeuj, Siengcouh Yen doenggwag haiguh “sam gouz” gunghcwngz hwnjguh, daihbouhfaenh lajmbanj gaenq hwnjlaeb miz daizheiq yienjheiq, gapbaenz doihiyenjheiq, dangdieg dangjveij cwnghfuj gig yawjnaek doihiyenjheiq majhung, doenggwag cawx gunghgung vwnzva fugsach, coicaenh doihiyenjheiq majhung, ndaw yienh haujlai danhvei ciengzseiz cingj lajmbanj doihiyenjheiq daeuj yienjok, senhconz fuengcim cwngecwz dangj.

(Liu Bwnjvei)

● 6 nyied 7 hauh, fapguen Nazboh Yen Yinzminz Fazzen Bwzduh Yinzminz Fazdingz haeujlaeg daengz Bwzswngj Yangh Menliengz Cunh Mbanjmyauz dieg youq Cungguek Yeznanz henzgyaiq haenx, haiguh fazci senhconz gyauyuz hozdung, haeuj ranz haeuj mbanj fat fapldw senhconz swlhliu, sonyinx henzgyaiq beksingq hag fap、rox fap、souj fap, coicaenh dieg henzguek ndawbiengz onjdingh caeuq minzcuz doxgiet.

(Linz Yungzsenh)